



22. maj 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit namminiilivinnissaq aamma nunatta siunissami aningaasatigut inissisimalernissaa pillugit:

- 1. Naalakkersuisooqatigiit isumaqatigiissutaanni ersarissumik allaqqavoq Kalaallit Nunaat allanngortinneqarsinnaanngitsumik namminiilivikkiartortoq. Oqaaseqatigiilli assut erfapput. Naalakkersuisut ersarinnerusumik oqaatigisinnaanerlugu, namminneq isumartik naapertorlugu namminiilivinnissaq qaqugu piviusunngortinneqarsinnaassanersoq?**
- 2. Maannakkut tungiineq taamatullu innuttaasunik kiffartuussineq namminiilivikkutta taamaaginnassappat, taava pisariaqarpoq inuiaqatigiit maannakkut aningaasarsiornerata ukiumut 5 milliarder koruuninik pitsanngoriartinneqarnissaa. Naalakkersuisut qanoq iliulersaarpat qularnaarniarlugu aningaasarsiornerup taama amerlatigisunik pitsanngoriartinnissaa?**
- 3. Naalakkersuisut piumassuseqarnerlutik tungiunerme ajunngitsorsiassat ilanngartissallugit namminiilivinnissaq anguniarlugu Naalakkersuisullu angissappata qinnuigissavakka tigussaasumik akeqqullugu, inuiaqatigiinni tungiunerme suut sipaarniarfigineqassanersoq?**
- 4. 2018-mut aningaasanut inatsisissaq eqqarsaatigalugu Naalakkersuisut anguniarnerlugu oqimaaqatigiitoqarnissaa, akileraarutit ataatsimoortut - uani annermik eqqarsaatigaagut isertitanut akileraarutit - qaffannagit? Naalakkersuisut akuersaarlutik tassunga sikisaassappata taava Demokraatini paaserusupparput, qanoq iliorlutik Naalakkersuisut qularnaarniarneraat aningaasartuutit isertitallu oqimaaqatigiinnissaat tassunga ilanngullugu aamma paaserusupparput aningaasartuuteqarfiit sorliit Naalakkersuisut ilanngarteriffiginiarneraat?**
- 5. Naalakkersuisooqatigiinni partiip ataatsip eqqartortuarpaa inuiaqatigiinni assigiinngissuseq akiorneqassasoq, oqalunnerli siunnersuutinik tigussaasunik malitseqartinneqarneq ajorpoq. Naalakkersuisut qanoq iliorlutik TIGUSSAASUMIK akiorniarpaa inuiaqatigiinni assigiinngissuseq aamma tamatumunnga atatillugu suliniutit suut aallartinneqalersaarpat?**

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Aningaasaqarnermut akileraartarnermullu Naalakkersuisup Aningaasaqarnikkut ingerlatsineq pillugu nalunaarut 2017 oqallisigineqarmat oqaatigaa namminiilivinnissaq aningaasanut taamaallaat tunnganngitsoq. Taamatut oqarami ilumoorpoq kisianni naalakkersuisup naalakkersuisooqatigiillu



sinnerini kialluunniit assortorsinnaangilaaq, tamatta namminiilivinniarnitsinni aningaasaq pingaarutilerujussuusoq. Taamaattumik apeqput pingaarutalik tassaavoq, maannakkut naalakkersuisooqatigiisut qanoq ilumoorussitiginiarnersut naalakkersuisooqatigiit isumaqatigiisutaanni takorluukkat pingaarnersaat unaasoq piviusunngortinniarlugu:

"Kalaallit Nunaat allanngortinneqarsinnaangitsumik namminiilivikkiartorpoq"

Naalakkersuisut naalagaaffinngornerup aningaasatigut qanoq kinguneqarnissaa pillugu akissuteqartinniartarnerat imaannaangitsorujussuuvoq. Demokraatini isumaqarpugut Naalakkersuisut unneqqarillutik innuttaasunut oqaatigisariaqaraluaaraat naalagaaffinngorneq qanoq akeqassanersoq.

Taamaasilluni Naalakkersuisut periarfissinneqarput tunniussaqaarnissaminut.

Tamatuma saniatigut soqutiginnassaaq tusarfigilaassallugu Naalakkersuisut siunissaq qaninnerusoq isigalugu aningaasarsiornikkut qanoq anguniagaqarnersut.

Apeqputit akeqquakka ullut suliffiit nalginnaasut qulit iluanni.